

UCAPAN OLEH: DATO' SERI DR. MAHATHIR BIN MOHAMAD
(PERDANA MENTERI)

UPACARA: MAJLIS PENYAMPAIAN DUIT-DUIT SYILING PERINGATAN
RANCANGAN MALAYSIA KEEMPAT KEPADA YANG AMAT BERBAHAGIA
TUN HUSSEIN ONN

TEMPAT: TINGKAT 13, BANGUNAN BANK NEGARA MALAYSIA

TARIKH: 13 NOV 1981

MASA:

Yang Amat Berbahagia Tun Hussein Onn,
Yang Berbahagia Dato' Abdul Aziz bin Haji Taha,
Gabenor, Bank Negara Malaysia,
dan Ahli-ahli Lembaga Pengarah,
Dif-dif Kehormat,
Tuan-tuan sekalian.

Saya merasa gembira pada hari ini kerana diberi satu tugas yang istimewa, iaitu tugas untuk menyampaikan satu set duit-duit syiling peringatan Rancangan Malaysia Keempat kepada Yang Amat Berbahagia Tun Hussein Onn.

2. Seperti kita sedia maklum, Rancangan Malaysia Keempat ini telah dilancarkan pada bulan Mac yang lalu oleh Yang Amat Berbahagia Tun Hussein Onn yang pada masa itu menjadi Perdana Menteri Malaysia.

3. Duit-duit syiling peringatan Rancangan Malaysia Keempat ini telah diluluskan oleh Kerajaan Malaysia untuk memperingati pelancaran Rancangan Malaysia Keempat dan sebagai merakamkan penghormatan yang berkekalan kepada Yang Amat Berbahagia Tun Hussein Onn. Sebagai menghargai sumbangan Yang Amat Berbahagia Tun yang gigih dan dedikasi ke arah pencapaian hasrat Kerajaan untuk meningkat perpaduan nasional dan pembangunan negara, potret Yang Amat Berbahagia Tun sendiri telah menghiasi duit-duit syiling khas ini.

4. Sekarang, sebagai tanda penghargaan yang tinggi Kerajaan Malaysia kepada Yang Amat Berbahagia Tun Hussein Onn di atas jasa-jasa beliau kepada negara dan rakyat Malaysia, saya bagi pihak Kerajaan Malaysia, dengan gembiranya menyampaikan satu set duit-duit syiling peringatan Rancangan Malaysia Keempat kepada Yang Amat Berbahagia Tun Hussein Onn.